

Broj: 05-26-1-04- -II/14
Sarajevo, 06.05.2014. godine

Na osnovu člana 25., a u vezi sa članom 16. stav (4) Zakona o konkurenciji („Službeni glasnik BiH“, br. 48/05, 76/07 i 80/09) Konkurencijsko vijeće daje

OBAVIJEST
o Prijavi koncentracije

1. Konkurencijsko vijeće je zaprimilo Prijavu koncentracije privrednog subjekta „AS“ d.o.o. Jelah - Tešanj, Industrijska zona „Ekonomija“ bb, 74260 Tešanj, pod brojem 05-26-1-04-II/14, dana 02.04.2014. godine.
2. Pravni osnov predmetne koncentracije predstavlja Potvrda broj: 02-2-3255/14 od 26.03.2014. godine, izdata od strane Registra vrijednosnih papira Federacije Bosne i Hercegovine, u kojoj je naznačeno da je privredni subjekt „AS“ d.o.o. Jelah-Tešanj, nakon kupovine dionica privrednog subjekta „Klas“ d.d. Sarajevo, Paromlinska 43, 71000 Sarajevo dana 20.03.2014. godine, registrovan kao vlasnik većinskog udjela u kapitalu navedenog privrednog subjekta.

Sprovedenom transakcijom privredni subjekt „AS“ d.o.o. Jelah-Tešanj je indirektno stekao većinski udio i u privrednom subjektu „Sprind“ d.d. Rajlovac, Rajlovačka cesta bb, 71000 Sarajevo.
3. Predmetna koncentracija, prema podacima iz Prijave koncentracije, imat će efekat prvenstveno na relevantnom tržištu prerade žitarica, proizvodnje brašna, proizvodnje i prodaje pekarskih proizvoda (hljeba i peciva), polugotovih jela na bazi tijesta, prehrambenih i konditorskih proizvoda u Bosni i Hercegovini.
4. Konkurencijsko vijeće poziva sve zainteresirane privredne subjekte koji djeluju na navedenom relevantnom tržištu ili druge privredne subjekte koji djeluju na drugim tržištima, na kojima bi predmetna koncentracija mogla imati učinak, te druge institucije ili udruge koje imaju odgovarajuća saznanja o relevantnom tržištu, da mogu dostaviti pisane primjedbe i mišljenja u vremenskom roku od 8 dana, na adresu – Radićeva 8/IV, 71 000 Sarajevo, e-mail adresu: kontakt@bihkonk.gov.ba ili na fax: 033 251 408.
5. Ova Obavijest će biti objavljena u dnevnim novinama i na web stranici Konkurencijskog vijeća (www.bihkonk.gov.ba)

Predsjednik

Gordan Raspudić